

Fjallableikja ehf.  
Hallkelshólar  
Grímsness og grafningshreppur

Reykjavík 17. apríl 2019  
UST201901-405/F.T.  
08.12.02

### **Efni: Áminning og krafa um úrbætur**

Umhverfisstofnun vísar í bréf dags. 15. mars sl. þar sem stofnunin áformaði að áminna Fjallableikju vegna frávika er skráð voru í eftirliti þann 3. desember 2018. Frestur var veittur til 29. mars til að skila inn staðfestingu á úrbótum eða tímasettri úrbótaáætlun.

#### **Frávikin eru eftirfarandi:**

- 1. Gr. 1.4 í starfsleyfisskilyrðum fyrir fiskeldi á landi.** Skráningum er ábótavant. Skrá þarf vatnsnotkun og notkun spilliefna, hreinsiefna og lyfja. Afstöðumynd af stöð vantar.
- 2. Gr. 41 í reglugerð 884/2017 um varnir gegn olíumengun frá starfsemi á landi.** Öruggar mengunar-, áreksturs-, eld- og slysavarnir skulu tryggðar við rekstur neyslugeyma. Neyslugeymar sem notaðir eru fyrir áfyllingu á farartæki skulu vera með yfirfyllingarviðvörðun eða yfirfyllingarvörn. Neyslugeymir skal útbúinn með afgreiðslubyssu með útsláttarbúnaði sem lokar fyrir rennsli áður en yfirfylling á sér stað. Eldri geymir er hvorki með yfirfyllingarvörn né útsláttarbúnaði.

**Umhverfisstofnun veitti frest til að senda inn tímasetta áætlun um úrbætur vegna framangreindra frávika til 29. mars 2019. Stofnuninni hefur ekki borist tímasett áætlun um úrbætur né staðfesting á því að úrbætur hafi farið fram og veitir því rekstraraðila áminningu, sbr. 2. tl. 1. mgr. 60. gr. laga nr. 7/1998, um hollustuhætti og mengunarvarnir. Jafnframt er gerð krafa um úrbætur. Umhverfisstofnun veitir rekstraraðila frest til 8. maí nk. til þess að skila inn tímasettri áætlun um úrbætur eða koma sjónarmiðum sínum á framfæri, sbr. 13. gr. stjórnarsýslulaga nr. 37/1993.**

Verði rekstraraðili ekki við kröfum Umhverfisstofnunar um úrbætur innan tilskilins frests er stofnuninni heimilt að ákveða rekstraraðila dagsektir allt að 500.000 kr. á dag þar til úr er bætt, sbr. 1. mgr. 61. gr. laga nr. 7/1998, um hollustuhætti og mengunarvarnir, sbr. 2. mgr. 61. gr. reglugerðar nr. 550/2018, með síðari breytingum. Þær aðgerðir yrðu áformaðar sérstaklega og andmælafræstur veittur.


Umhverfisstofnun bendir á að heimilt er að vísa ákvörðun þessari til úrskurðarnefndar umhverfis- og auðlindamála, sbr. 1. mgr. 65. gr. laga nr. 7/1998, um hollustuhætti og mengunarvarnir. Um aðild, kærufrest, málsmeðferð og annað er varðar kæru fer samkvæmt lögum nr. 130/2011, um úrskurðarnefnd umhverfis- og auðlindamála.

Kærufrestur er einn mánuður frá því að kæranda varð kunnugt eða mátti vera kunnugt um ákvörðunina.

Vakin skal athygli á því að áminning þessi verður birt á vefsíðu Umhverfisstofnunar. Jafnframt mun stofnunin birta á vefsíðu sinni sjónarmið fyrirtækisins.


Gjald fyrir vinnu sérfræðings við eftirfylgni vegna frávika frá ákvæðum starfsleyfis verður innheimt samkvæmt gjaldskrá Umhverfisstofnunar nr. 535/2015, með síðari breytingum. **Gjaldið er 52.800 kr.**

Óski rekstraraðili eftir frekari upplýsingum má hafa sambandi við Frigg Thorlacius í síma 591-2000 eða með tölvupósti á [friggt@ust.is](mailto:friggt@ust.is). Gögnum skal skila í pósti til Umhverfisstofnunar eða á netfangið [ust@ust.is](mailto:ust@ust.is).



Skúli Þórðarson  
sviðsstjóri

Virðingarfyllst

  
Frigg Thorlacius  
lögfræðingur

Afrit í tölvupósti: Heilbrigðisnefnd Suðurlands